

Siglingastofnun Íslands  
Steingrímur Hauksson  
Vesturvör 2  
200 Kópavogur

2004020037  
3714; 9310

Reykjavík, 7. apríl 2004  
/--

**Efni: Sjóvarnir við Snoppuveg og fiskverkanir Snoppu og Klumbu í Ólafsvík ásamt sjóvörn við Hellisgötu á Hellissandi, Snæfellsbæ. Ákvörðun um matsskyldu.**

Vísað er til erindis Siglingastofnunar dags. 16. febrúar 2004 þar sem Skipulagsstofnun er tilkynnt gerð sjóvarna við Snoppuveg, fiskverkanir Snoppu og Klumbu í Ólafsvík og við Hellisgötu á Hellissandi, Snæfellsbæ samkvæmt 6. gr. laga nr. 106/2000 um mat á umhverfisáhrifum og lið 10 h í 2. viðauka laganna.

Skipulagsstofnun leitaði álits Snæfellsbæjar, Fornleifaverndar ríkisins og Umhverfisstofnunar. Umsagnir bárust frá Snæfellsbæ með bréfi dags. 5. mars 2004, Fornleifavernd ríkisins með bréfi dags. 1. apríl, 2004 og Umhverfisstofnun með bréfi dags. 9. mars 2004. Frekari upplýsingar bárust frá framkvæmdaraðila með bréfi dags. 6. apríl 2004.

**FRAMLÖGÐ GÖGN FRAMKVÆMDARAÐILA**

**Fyrirhuguð framkvæmd**

Í framlögðum gögnum framkvæmdaraðila kemur fram að fyrirhugaðar sjóvarnir séu liðir í að koma í veg fyrir landbrot við Snoppuveg og fiskverkanir Snoppu og Klumbu í Ólafsvík og Hellisgötu á Hellissandi, Snæfellsbæ. Um sé að ræða 150 m langa sjóvörn við Snoppuveg og að efnismagn verði 2.400 m<sup>3</sup>, 70 m langa sjóvörn við fiskverkun Snoppu og 2.450 m<sup>3</sup> efnismagn, 160 m langa sjóvörn við sjóvörn Klumbu og 1.600 m<sup>3</sup> efnismagn og 70 m langa sjóvörn við Hellisgötu og 1.000 m<sup>3</sup> efnismagn. Gert sé ráð fyrir að sækja efni í opna grjótnámu við Neðri-Höfða á Rifi sem notuð hefur verið við hafnargerð og sjóvarnir.

**ÁLIT UMSAGNARAÐILA OG VIÐBRÖGÐ FRAMKVÆMDARAÐILA**

Í umsögnum bæjarstjórnar Snæfellsbæjar, Fornleifaverndar ríkisins og Umhverfisstofnunar kemur fram að ekki sé talið að framkvæmdin hafi umtalsverð umhverfisáhrif í för með sér og skuli ekki háð mati á umhverfisáhrifum.

## **NIÐURSTAÐA SKIPULAGSSTOFNUNAR**

Um er að ræða gerð sjóvarna á samtals 380 m löngum kafla í Ólafsvík og 70 m löngum kafla á Hellissandi, Snæfellsbæ. Framkvæmdin er tilkynningarskyld til ákvörðunar um matsskyldu samkvæmt 6. gr. og lið 10 h í 2. viðauka í lögum nr. 106/2000 um mat á umhverfisáhrifum.

Fyrirhugaðar framkvæmdir taka til afmarkaðs svæðis og eru að mestu ofan fjöruborðs en mikilvægasta svæðið með tilliti til lífríkis er neðan stórstraumsfjöruborðs. Skipulagsstofnun telur að framkvæmdin hafi óveruleg umhverfisáhrif í för með sér.

Í samræmi við 6. gr. laga um mat á umhverfisáhrifum nr. 106/2000 hefur Skipulagsstofnun farið yfir þau gögn sem lögð voru fram af hálfu framkvæmdaraðila við tilkynningu, umsagnir og svör framkvæmdaraðila við þeim. Á grundvelli þessara gagna er það niðurstaða Skipulagsstofnunar að gerð sjóvarna við Snoppuveg, fiskverkanir Snoppu og Klumbu í Ólafsvík og við Hellisgötu á Hellissandi, Snæfellsbæ sé ekki líkleg til að hafa í för með sér umtalsverð umhverfisáhrif og skuli því ekki háð mati á umhverfisáhrifum.

Skipulagsstofnun vekur athygli á að framkvæmdirnar eru háðar framkvæmdaleyfi Snæfellsbæjar skv. 27. gr. skipulags- og byggingarlaga nr. 73/1997 m.s.b.

Samkvæmt 6. gr. laga nr. 106/2000 má kæra ákvörðun Skipulagsstofnunar til umhverfisráðherra. Kærufrestur er til 12. maí 2004.

Hólmfríður Sigurðardóttir

Auður Ýr Sveinsdóttir

Afrit.

Umhverfisráðuneytið, Snæfellsbær, Fornleifavernd ríkisins, Umhverfisstofnun.

